

Monica Kock como presidente di S.M.J.I.

Juancho Irausquin tabata un politico cu curazon pa su pueblo



ORANJESTAD (AAN): Stichting Monumento

Juancho Irausquin ker riba e dia natal di Juancho Enrique Irausquin 3 december conmemora tur e logronan di Juancho Irausquin cu a trece cu ne cu Aruba a drenta den un era completamente nobo y cu te cu awe nos ta tin e frutonan di su vision y deseonan. Juancho Irausquin tabata un persona cu tabatin e vision pa traha proyectonan y tin ideanan pa termino largo. Su planan tabata amplio y riba tur tereno. door di planifica Juancho Irausquin por a logra pa desaroya Aruba grandemente pero na mesun momento a pone e fundeshi pa leyman pa proteha e personanan di menos of ningun recurso (ley di pensioen, ley di vuida y Huerfano, ley di onderstand), y pa duna oportunidad na tur persona pa desaroya nan mes pa nan tin posibilidad den bida pa progresa (ley school liber, beca) y alaves proteha e trahador (Ley di minimumloon, ley di CAO). Juancho Irausquin tabatin e plan local e a laga atras y PPA den e espiritu y vision di Juancho Irausquin a logra pa ehecuta esaki. Juancho Irausquin tabata e fundador di local nos tin awe cu nos ta tuma "forgranted." Stichting Monumento Juancho Irausquin pa medio di esaki ta recorda un par di e logronan di Juancho

Irausquin cu nos no mag di lubida.

Turismo: Juancho Irausquin tabatin e vision pa desaroya y salvaguardia Aruba. Juancho tabata desea un otro entrada pa Aruba pa Aruba no depende di Lago cu tabata e pilar di entrada principal pa Aruba. Juancho tabata ker un segundo pilar di entrada por se acaso Lago lo sera un dia. Hopi hende a bisa cu esei nunca lo pasa. Cu e entrada di turismo planea door di Juancho Irausquin un era Nobo pa Aruba a cuminsa. E fundeshi economico di nos pais a worde poni. Ta Juancho Irausquin pa medio di PPA a pone nomber di Aruba ariba mapa Internacional y a habri caminda pa miles y miles Arubiano por labora den sector di Turismo. Juancho Irausquin ta e fundador di Turismo, e persona cu tabatin e vision cu Aruba lo bira un Miami chikito. Ta e vision di Juancho Irausquin a pone Aruba drenta den un era nobo cu a trece desaroyo y prosperidad pa Aruba. Su plan pa garantisa entrada pa

Aruba a traha na momento cu Lago di berdad a sera y asina a salvaguardia Aruba hasta despues cu e no tabatei mas. Awor Turismo ta nos pilar di entrada mas grandi di Aruba. Loke Aruba ta awe ta danki na e vision di Juancho Irausquin. Un Arubiano cu a cambia Aruba pone den un era nobo.

Seguridad cu un ciudadano por biba: E pensioen cu nos tin awe cu nos ta tuma manera ta algo normal ta algo cu Juancho Irausquin a laga atras pa nos. Juancho Irausquin tabata ker pa e progreso cu e a trece pa Aruba lo ta pa un y tur. E no a lubida riba e grandinan y a zorg pa tin un ley pa segura e entrada pa e grandinan. No por nada e tabata worde yama Sirbidor di Pueblo. el a traha pa segura un entrada pa personanan cu menos of ningun recurso y cu ta den dificultad manera e grandinan, vuida y Huerfano of personanan cu awo ta ricibi onderstand. E no a lubida riba nan ora Aruba tabata den progreso.

Educacion: Juancho Irausquin tabata kier pa tur hende por tin e mesun oportunidad pa por desaroya su mes. Educacion ta e manera pa un persona desaroya su mes pa e por bay dilanti. Pa e tin oportunidad den bida. Pa logra esei Juancho Irausquin a bin cu school gratis y cu studiebeurs (beca). Asina Juancho a percira cu tur mucha lo haya un educacion pa nan por tin oportunidad den bida.

Ainda tin hopi mas logro di Juancho Irausquin. Fundacion Juancho Irausquin ta haya e importante pa e pueblo no lubida un persona asina grandi pero cu curazon humilde cu a traha duro pa nos pueblo. Nos no tin cu lubida nos hereo cu nos pais tin.

Bo ta mlra algo pasando?

Accidente • Candela • Detencion • Razzia

Yama Tipline di

DIARIO

582-2239

Yama 24 ora pa dia!